

Na osnovu člana 70. Zakona o javnim nabavkama („Službeni glasnik BiH“, broj 39/14 , 59/22 i 50/24), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br. 65-04-2-4654) na prijedlog Komisije za javne nabavke Izvještaj br. \_\_\_\_\_ od \_\_\_\_\_ 2025. godine, v.d. Generalna direktorica donosi:

### **ODLUKU**

o izboru najpovoljnijeg ponuđača za nabavku ostalog potrošnog materijala  
(PVC posude, samoljepljive signature, papirne i plastične kese i dr).

#### **I**

Na osnovu provedenog konkurentskog zahtjeva, okvirni sporazumi za nabavku ostalog materijala, dodjeljuju se ponuđačima:

1. ENA d.o.o. Sarajevo za Lot 1 i Lot 2,
2. Birotehnik-Komerc d.o.o. Sarajevo za Lot 3, Lot 4 i Lot 5.

#### **II**

Izabrani ponuđači su dužni da u roku od 5 (pet) dana od dana prijema ove Odluke, dostave original ili ovjerene kopije dokaza o ispunjavanju uslova iz čl. 45. ZJN, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo nakon što bude dostavljena ponuđačima učesnicima u postupku javne nabavke.


### **OBRAZLOŽENJE**

Klinički centar Univerziteta u Sarajevu je na portalu Agencije za javne nabavke objavio konkurentski zahtjev br. 893-7-1-89-3-412/25 od 04.03.2025. godine za dostavu ponuda za izbor najpovoljnijeg ponuđača za nabavku ostalog potrošnog materijala (PVC posude, samoljepljive signature, papirne i plastične kese i dr).

Na protokol Kliničkog centra Univerziteta u Sarajevu u datom vremenskom roku dostavljene su 3 (tri) ponude navedene u Zapisniku sa otvaranja ponuda br. 73-33-4-10294-1 od 19.03.2025. koji je dostavljen svim ponuđačima. Komisija za javne nabavke je konstatovala da su ponude pristigle blagovremeno te da su uredno upakovane i ovjerene od strane ponuđača.

Na osnovu Tenderske dokumentacije objavljene na Portalu javnih nabavki, Komisija je pristupila uvidu u ponude ponuđača u predmetu nabavke ostali potrošni materijal i ustanovila da su ponude svih ponuđača formalnopravno ispravne, sa napomenom da je dobavljač Semikem d.o.o. uz ponudu dostavio dokaze iz člana 45. i člana 52.

Nakon ocjene formalnopravne ispravnosti Komisija je 20.03.2025. godine poslala zahtjev ponuđačima da dostave uzorke za Lot 1 – PVC posude sa poklopcem za PH uzorke – Kompletan Lot – stavke 1.1; 1.2; 1.3; 1.4; 1.5 i 1.6, kao i uzorke za Lot 2 – PVC posude sa čepom na navoj za PH uzorke – Kompletan Lot – stavke 2.1 i 2.2. Nakon dostavljanja uzoraka Komisija je ustanovila da ponuđač Semikem d.o.o. Sarajevo nije dostavio uzorak za Lot 1 stavka 1.2 Posuda od 300 ml. Komisija je provjerila kvalitet ponuđenih PVC posuda za Lot 1 jedнокratnim otvaranjem poklopca i ručke, te ustanovila da je kod ponuđača Semikem d.o.o. na zdjeli pod stavkom 1.4 Posuda od 1000ml došlo do oštećenja ručke za transport zbog tanke vezice sa zdjelom, također kod istog ponuđača na zdjeli iz stavke 1.6 posuda od 5000ml došlo je do oštećenja (pucanja) ruba poklopca zdjele.



Ponuđač Semikem d.o.o. Sarajevo za Lot 2 nije dostavio uzorak za stavku 2.1 – posude od 30ml uz obrazloženje da navedene posude nemaju na stanju.

Tehničkom specifikacijom (Aneks 3 TD) za Lot 1 i Lot 2 predviđena je obaveza ponuđača da na zahtjev Komisije dostavi uzorke, što je komisija i učinila. Obzirom da ponuđač Semikem d.o.o. Sarajevo nije dostavio sve tražene uzorke, a na dostavljenim uzorcima su uočena oštećenja nakon korištenja, ponuda ponuđača Semikem d.o.o. Sarajevo se odbacuje u cjelosti.

Sve ostale ponude su formalnopravno ispravne.

Obzirom da se radi o konkurentskom zahtjevu, te da je kriterij za dodjelu okvirnog sporazuma „najniža cijena“, Komisija prema Izvještaju br. \_\_\_\_\_ od \_\_\_\_\_ 2025. godine, predlaže da se okvirni sporazumi dodijele ponuđačima prema uslovima:

ENA d.o.o. Sarajevo			
	Opis	Ukupna vrijednost bez uračunatog iznosa PDV-a (KM)	Procjenjena vrijednost (KM)
Lot 1	PVC posude sa poklopcem za PH uzorke	18.645,00	18.317,00
Lot 2	PVC posude sa čepom na navoj za PH uzorke	3.190,00	3.190,00
TOTAL		21.835,00	21.507,00
Birotehnik-Komerc d.o.o. Sarajevo			
	Opis	Ukupna vrijednost bez uračunatog iznosa PDV-a (KM)	Procjenjena vrijednost (KM)
Lot 3	Samoljepljive signature	3.223,00	3.223,00
Lot 4	Papirne i plastične kesice	1.500,00	1.500,00
Lot 5	Samoljepljive signature za šprice	1.120,05	1.170,00
TOTAL		5.843,05	5.893,00

Okvirni sporazum se zaključuje za period od 12 mjeseci.

**Uslovi plaćanja:** 60 dana od dana isporuke robe i ispostave fakture.

**Paritet:** FCO Skladište kancelarijskog i potrošnog materijala KCUS-a.

Smatram da je Komisija pravilno postupila kada je uzela u obzir gore navedene činjenice i iz tih razloga prihvatam prijedlog Komisije i donosim odluku kao u dispozitivu.



v.d. GENERALNA DIREKTORICA

Prof. dr. Hajrija Maksić

**PRAVNA POUKA:**

Protiv ove Odluke može se uložiti Žalba putem ugovornog organa odnosno KCUS-u u pisanoj formi, u roku od 5 (pet) dana od dana kada je podnosilac saznao ili je trebao saznati za navodnu povredu Zakona o javnim nabavkama BIH u toku konkretnog postupka.

Dostaviti:

- Sektor zajedničkih službi KCUS-a;
- Ponuđačima;
- a/a

KLINIČKI CENTAR UNIVERZITETA U SARAJEVU broj: 4		
PRIMLJENO: 03-04-2025		
Organizaciona jedinica	Klasifikaciona oznaka	Redni broj
73	11-3	12148

*J. Husić*